

# Bilten



Općinski sud u Sarajevu  
Општински суд у Сарајеву  
Sarajevo Municipal Court

April 2018.  
Izdanje br. 29

## Općinskog suda u Sarajevu





## Posjeta visoke delegacije Republike Turske



Dana 23.05.2017. godine Općinski sud u Sarajevu je posjetila Visoka pravosudna delegacija Republike Turske na čelu sa **podsekretarom ministrom Ministarstva pravde Republike Turske Kenanom Ipek, podpredsjednikom Visokog sudskog i tužilačkog vijeća Republike Turske Mehmet Yilmazom i predsjednikom Pravosudne akademije Republike Turske Yılmaz Akçil**, te predstavnici Centra za edukaciju sudija i tužilaca Federacije BiH. Tema razgovora je bila organizacija pravosuđa u dvijema zemljama te razmjena iskustava u edukaciji nosilaca pravosudnih funkcija i mogući pravci dalje saradnje. Održan je sastanak, na kome se u ime Općinskog suda u Sarajevu gostima obratila **sudija Amela Selimović Fazlagić**, predsjednica Parničnog odjeljenja Općinskog suda u Sarajevu koja je upoznala prisutne sa nadležnostima, organizacijom i načinom rada ovoga Suda. Prema njenim riječima ovaj Sud posebnu pažnju

usmjerava na efikasnost u radu te jačanje timskog rada u okviru odjeljenja. Kao problem je istaknut veliki broj komunalnih predmeta te je naglašeno da ovaj problem egzistira dugi niz godina i pored izuzetnih napora i angažovanosti Suda u rješavanju istog.

**Šef sudskih pisarnica Muris Lončarević** proveo je prisutne kroz zgradu Suda te ih informisao o načinu rada pisarnica Suda i načinu upravljanja predmetima u Općinskom sudu u Sarajevu kao najvećem sudu u regionu sa 528 zaposlenih, 12 sudskih odjeljenja sa zemljišnoknjižnim uredom i preko milion predmeta. Sistem za automatsko upravljanje predmetima u sudovima (CMS) omogućio je potpuno automatizovan radni proces od prijema i evidentiranja pa do arhiviranja predmeta. Strankama je omogućen uvid u predmete putem interneta uz posjedovanje jedinstvenog pristupnog koda (JPK). Istaknuto je da je pisarnica Općinskog suda u Sarajevu najveća u BiH.

Nakon obilaska Općinskog suda u Sarajevu, predstavnici delegacije Republike Turske su se zahvalili na izuzetnom gostoprimstvu te su naglasili spremnost da podrže svaku inicijativu za saradnju koja se pokaže potrebnom. ■



▲ Visoka delegacija Republike Turske tokom obilaska Općinskog suda u Sarajevu

## U Općinskom sudu u Sarajevu održano predavanje na temu „Dostavljanje pismena u sudskim postupcima“

Dostavljanje je procesno – pravna djelatnost uručivanja sudskih pismena licima kojima su upućena. Dobro organizirani sistem dostave od neposrednog je značaja na ostvarenje načela oficioznosti, ekonomičnosti, neposrednosti i kontradiktornosti u parničnom postupku. Navedena načela se ne mogu efikasno ostvariti ako se svakoj stranci ne bi pružila mogućnost da sazna za mjesto i vrijeme poduzimanja parničnih radnji i za njihov sadržaj. Sudska praksa često se susreće s problemima dostave sudskih pismena, bilo na strani suda, bilo na strani određenog adresata, u toku postupka, ali i nakon njegovog okončanja.

Općinski sud u Sarajevu je u saradnji sa Visokim sudskim i tužilačkim vijećem Bosne i Hercegovine, a u okviru projekta Unapređenja efikasnosti pravosuđa II, dana 15. septembar 2017. godine, u cilju edukacije i povećanja efikasnosti sudskih postupaka, organizovao i proveo predavanje na temu dostavljanja pismena u sudskim postupcima. Edukacija je održana u multimedijalnoj sali Općinskog suda u Sarajevu.

Kao osnov za predavanje korišten je Ilustrovani priručnik za dostavljanje sudskih pismena sa objašnjenjima i primjerima za praktičnu primjenu, čiji je autor **Elvis Zorlak, sudija Općinskog suda u Sarajevu**, kojim je obuhvaćeno dostavljanje sudskih pismena u izvršnom, parničnom, vanparničnom i krivičnom postupku. Navedeni Priručnik objavljen 2008. godine, predstavlja sveobuhvatan i koristan edukativni materijal, čiji sadržaj, sistematika i metodologija omogućavaju upoznavanje sudskih i dostavljača javnih poštanskih operatera, sa svim aspektima dostave uz istovremeno otklanjanje svih dilema koji se u praktičnom radu na realizaciji do-



stave mogu pojaviti.

Uvodni dio predavanja bio je posvećen upoznavanjem sa osnovnim pojmovnim objašnjenjima i sadržajem dostavljanja. Nastavak edukacije odnosio se na praktične primjere, najčešće greške i objašnjenja koja su dostavljačima pružila dodatnu i važnu informaciju i olakšala njihova nastojanja da pronađe pravi pristup za postupanje u određenoj situaciji. Oslanjajući se na diskusiju i postojeće probleme, drugi dio edukacije se odnosio na rješavanje konkretnih situacija koje dostavljači susreću prilikom pokušaja uručivanja sudskog pismena i analizu postojećeg stanja.

Na kraju edukacije predstavljene su nove dostavnice koje se koriste u sudskim postupcima, odnosno u CMS sistemu za upravljanje sudskim predmetima i ukazano na njihove bitne elemente. Dostavljači su upoznati na koji način napisati pravilan izvještaj o preduzetim radnjama prilikom pokušaja dostavljanja pismena, te im je ukazano na značaj informacija koje dostavnice nude dostavljačima i kako iste efikasno iskoristiti.

Predavač na ovoj edukaciji je bio Elvis Zorlak, sudija Općinskog suda u Sarajevu. ■



▲ Detalji sa predavanja



## Okončan postupak uništenja starog, deponovanog oružja koje je preuzeto od ranijih prekršajnih sudova

Postupajući po naredbi Općinskog suda u Sarajevu, Komisija za uništavanje oružja Kantona Sarajevo je zajedno sa predstavnicima suda, dana 04.10.2017. godine, izvršila pregled i preuzimanje oružja i municije koji su oduzeti po pravomoćnim odlukama ranijih prekršajnih sudova. Ovi sudovi su sa raformskim integrisanjem u okviru općinskih/osnovnih sudova 2006. godine prestali sa radom, a nakon čega je Općinski sud

u Sarajevu preuzeo sve preostale deponovane predmete po odlukama prekršajnih sudova u Kantonu Sarajevo.

Oduzeti predmeti su uništeni u topionici željeza Jelšingrad u Banjoj Luci pod nadzorom ovlaštenih službenika Komisije za uništavanje oružja Kantona Sarajevo. Obzirom na ograničene kapacitete suda za deponovanje oduzetih predmeta u krivičnim i prekršajnim postupcima te na veliku količinu deponova-



nih predmeta, ovim uništenjem je oslobođen prostor koji će znatno olakšati dalji rad suda u smislu prijema, skladištenja, čuvanja, predavanja i vršenja drugih radnji koje se odnose na postupanje sa oduzetim predmetima. ■

## Predavanje na temu „Primjena novog Zakona o stvarnim pravima u Federaciji BiH“

Dana 23.02.2018. godine u Multimedijalnoj sali Općinskog suda u Sarajevu održana je edukacija na temu primjene Zakona o stvarnim pravima u Federaciji BiH. Edukaciju je Sud organizovao na inicijativu uposlenika Zemljišnoknjižnog ureda, a sa ciljem profesionalnog usavršavanja prvenstveno zemljišnoknjižnih referenata, ali i svih drugih zainteresovanih uposlenika ovoga Suda.

Edukaciju je vodila dr. Meliha Povlakić, profesorica na Pravnom fakultetu Univerziteta u Sarajevu, koja je ovom prilikom analizirala relevantne odredbe Zakona o stvarnim pravima Federacije BiH (“Sl. novine Federacije BiH”, broj 66/13 i 100/13) u kontekstu konkretnih primjera koji su se u praksi pojavili kao sporni pri rješavanju. Predavanje je



doprinijelo razjašnjenju određenih nejasnoća koje su zemljišnoknjižni referenti imali u svom radu te doprinijelo boljem razumijevanju odredaba Zakona sudijama i stručnim saradnicima koji su iskazali interesovanje prisustvom ovoj edukaciji. ■



▼ Profesor dr. Meliha Povlakić i sudija Sanela Gorušanović - Butigan

## Predsjednica Jovanović održala sastanak sa predstavnicima Notarske komore FBiH



Općinski sud u Sarajevu je u toku 2017. godine dva puta, 01.06. i 02.11.2017. godine, bio domaćin redovnih sastanaka sa predstavnicima Notarske komore Federacije BiH. Cilj ovih sastanaka je unaprijeđenje saradnje između Notarske komore FBiH i Suda kroz dijalog, razmjenu mišljenja i iskustava na koji način je moguće utvrditi eventualne probleme u radu te iznaći najbolja rješenja za prevazilaženja istih. Kako su notari, izmjenom Zakona o nasljeđivanju FBiH 2014. godine, postali povjerenici suda u smislu postupanja po

ostavinskim predmetima, to se na ovim sastancima posebna pažnja posvetila izvještajima o radu notara iz ove oblasti. Razmatrani su statistički izvještaji o radu te je vođen razgovor o unapređenju rada pri rješavanju ostavinskih predmeta. Sastanku od 02.11.2017. godine pored predstavnika Notarske komore Federacije BiH, prisustvovao je i ministar pravde i uprave Kantona Sarajevo Mario Nenadić. Prisutni predstavnici Suda i Notarske komore ministru su iznijeli prijedloge u cilju unapređenja i rasterećenja rada pravosuđa. Predsjednica

Jovanović je posebno istakla problem u radu Zemljišnoknjižnog ureda koji je do prije dvije godine bio dnevno ažuran. Donošenjem novih zakona i izmjenama propisa kojima se u sudsku nadležnost prenose obaveze sa organa uprave ili se nadležnost suda proširuje, ne ispitujući prethodno ekonomsku opravdanost istih, povećao se obim posla Zemljišnoknjižnog ureda, a što nije pratilo istovremeno povećanje ljudskih kapaciteta, što je uzrokovalo gužve u šalter sali, odnosno odstupanje od dnevne ažurnosti prilikom odlučivanja o upisu u zemljišnu knjigu.

Ministar Nenadić informisao je prisutne o radu Ministarstva, te izjavio da im stoji na raspolaganju za sve što je u njegovoj nadležnosti, u skladu sa mogućnostima Ministarstva.

Primjetan je opći utisak opravdanosti i svrsishodnosti redovnih sastanaka predstavnika Općinskog suda u Sarajevu i Notarske komore Federacije BiH, a sve u interesu građana. ■







## Premijer Konaković te ministri Nenadić, Halebić i Mulabdić posjetili Općinski sud u Sarajevu



**E**lmedin Konaković, premijer Kantona Sarajevo, te ministri u Vladi Kantona Sarajevo i to ministar pravde i uprave Mario Nenadić, ministar finansija Jasmin Halebić i ministar unutrašnjih poslova Vedran Mulabdić posjetili su dana 28.11. 2017. godine Općinski sud u Sarajevu. Sa predsjednicom suda Janjom Jovanović razmotrili su aktuelne teme, a koje se odnose na broj predmeta koji se nalaze u radu u ovom Sudu, pozitivnim efektima Suda, probleme sa smještajnim kapacitetima, sa donesenim zakonima koji su neprovođivi, a kojima se dodatno opterećuje pravosuđe. Istaknuta je i potreba izmjene Zakona o sudskim taksama Kantona Sarajevo te su otvorene i druge aktuelne teme u radu Suda.


Nakon kratkog uvoda u kojem je predsjednica Jovanović istakla da je veoma zadovoljna saradnjom sa Vladom Kantona Sarajevo, kao problem je naglasila dislociranost mjesta za prodaju sudske takse. "Potrebno je postaviti prigodan objekat za prodaju sudske takse u blizini Suda kako bi stranke jednostavno mogle kupiti taksu. Ovo rješenje bi bilo u interesu stranaka, Suda ali i Kantona obzirom da su sudske takse izvor prihoda Kantona" pojasnila je predsjednica Jovanović. Nakon kratke diskusije zaključeno je da će o ovoj temi razgovarati ministar finansija KS sa predstavnicima Zavoda za izgradnju KS kako bi se iznašlo adekvatnije rješenje.

U vezi sa sudskom taksom, na sastanku je naglašeno i to da se pred

Općinskim sudom u Sarajevu vodi veliki broj predmeta u kojima su stranke oslobođene plaćanja takse. Predsjednica Jovanović je naglasila da je lista osnova po kojima Zakon o sudskim taksama KS predviđa oslobađanje plaćanja sudske takse dosta široko postavljena te da je, osim toga, nedopustivo da taksa bude manja od cijene sudskog predmeta. Ministar finansija Kantona Sarajeva Halebić je naglasio da se svi slažemo da su takse male, ali da isto tako ne smijemo dozvoliti da privreda bude dodatno opterećena povećanjem cijene takse. Ministar Nenadić je rekao da postoji prostor za izmjenu legislativne u pravcu koji bi dao do znanja da se ne mogu voditi sporovi na štetu države te da već postoji radna grupa koja vrši analize te se očekuje prijedlog iz-

mjena Zakona u tom smislu. Predsjednica Jovanović je istakla da zakonodavna i izvršna vlast, ne samo na nivou Kantona Sarajevo nego i FBiH, u saradnji sa VSTV BiH mora više raditi na rasterećenju pravosuđa. "Sudu se podnose tužbe za sporove čija je vrijednost minorna. Predmet za rješavanje takvog spora košta ovaj Sud i Kanton Sarajevo oko 75 KM pa cijena formiranja jednog spisa, naročito kod komunalnih predmeta i sporova male vrijednosti, znatno premašuje cijenu utuženja, odnosno potraživanja. Iznos obavezne sudske takse koja se plaća za iniciranje postupka pred sudom je 3 % od vrijednosti spora, a ne može biti manji od 20 KM. Kao što je vidljivo, iznos takse je simboličan te ako se još tome doda da je veliki broj podnosilaca tužbi oslobođen od plaćanja obavezne sudske takse, kao i da se taksa u pravilu ne plaća dobrovoljno nego se naplaćuje prinudnim putem u sudskom postupku, može se zaključiti, a što je Sud predlagao, da je nužno da vlada KS u što kraćem roku pristupi izmjeni Zakona o sudskim taksama. Potrebno je odrediti da prinudnu naplatu obavezne sudske takse rade porezne uprave, kao što je to bilo ranije

regulisano. Navedeno iz razloga jer to i nije sudski postupak te isto samo opterećuje sudske kapacitete" pojasnila je Jovanović. Ministar Nenadić je skrenuo pažnju prisutnima da veliki dio sredstava budžeta namijenjenog za pravosuđe odlazi na isplate advokatima po službenoj dužnosti te na odluke



Ustavnog suda po osnovu zahtjeva za naknadu nematerijalne štete, a zbog dužine trajanja sudskih postupaka te je istakao da očekuje ozbiljne analize i prijedloge za rješavanje ovih problema. Predsjednica Jovanović je prisutne upozнала sa analizom odsustva po osnovu bolovanja uposlenika ovoga

Suda. Naime, u Općinskom sudu u Sarajevu je u toku 2016. godine evidentirano oko 51.000 sati bolovanja korištenih do 42 dana. Ako se ti sati podijele sa 176 (prosječan mjesečni broj sati ili u prosjeku 22 radna dana mjesečno) može se konstatovati da je sa posla odsustvovalo oko 26 uposlenika u toku 2016. godine. Analiza je pokazala da većinu tih odsustvovanje čine kraća odsustva po dva do tri dana te da određeni uposlenici ponavljaju kratkotrajna odsustva u više navrata u toku jednog mjeseca. "Dakle, analiza je pokazala da 26 uposlenika uopće nije radilo, a platu je dobivalo u iznosu od 100 % pri čemu je važno istaći da je posao ovih 26 uposlenika morao da uradi neko drugi pa su uposlenici koji su redovno prisustvovali poslu bili dodatno opterećeni". Zakonom o plaćama i naknadama u organima vlasti Kantona Sarajevo („Službene novine Kantona Sarajevo“, broj: 33/11, 5/13 i 9/15), je regulisano da je naknada za vrijeme bolovanja do 42 dana 100% neto plate za prethodni mjesec dok se naknada plate za vrijeme bolovanja preko 42 dana umanjuje. "To je paradoks jer je u slučaju bolovanja preko 42 dana (koje ocjenjuje nadležna ljekarska komisija) realno za očekivati da se radi o ozbiljnom bolesniku i da je takvom bolesniku zapravo potrebno isplatiti punu platu" rekla je predsjednica Jovanović te dodala da smatra da problem odsustva uposlenika sa posla po osnovu bolovanja nije karakterističan samo za Općinski sud u Sarajevu te da se sa sličnim stanjem susreću i druge institucije na nivou Kantona Sarajevo.

U kraćoj diskusiji konstatovano je da je potrebno ojačati sistem nadzora nad korištenjem bolovanja te razmotriti legislativu sa ciljem zaštite uposlenika, ali istovremeno i onemogućavanja zloupotreba korištenja instituta bolovanja. ■





## Sudska nagodba kao način rješavanja „Sedmica sudske nagodbe“ od 16. do

Sudska nagodba je manje poznat i manje zastupljen način rješavanja sporova. Riječ je o mirnom, sporazumnom načinu rješavanja spora koji podrazumijeva međusobni dogovor stranaka u sporu o predmetu spora. Sudsku nagodbu stranke zaključuju u pisanoj formi ugovora pred nadležnim sudom, rješavajući time spor koji postoji među njima.

U svakom postupku sud će prilikom prvog susreta sa strankama – na pripremnom ročištu inicirati postupak sudske nagodbe. Sud će na način koji ne ugrožava njegovu nepristrasnost, na pripremnom ročištu, kao i u toku cijelog postupka, nastojati da stranke zaključe sudsku nagodbu. Zaključenje sudske nagodbe je najpogodniji način rješavanja predmeta koji se odnose na sporove

nastale iz privrednih, ugovornih, radnih odnosa, te imovinsko-pravnih sporova nastalih iz porodičnih odnosa kao i predmeti male vrijednosti odnosno komunalni predmeti poput neplaćenih računa za komunalne usluge. Stranke su pošteđene dugotrajnog vođenja sudskog postupka koji, između ostalog, podrazumijeva: odlaganje/zakazivanje dodatnih ročišta, nepotrebno pribavljanje i izvođenje dokaza, izradu sudske odluke, žalbe na odluku itd, dugotrajnog postupka namirenja, eventualnog drugostepenog postupka te izbjegavaju se brojni dodatni i troškovi redovnog sudskog postupka.

Sudskom nagodbom spor se okončava pred prvostepenim sudom, bez daljnjeg odugovlačenja postupka, a sud garantuje valjanost,

pravosnažnost i izvršnost takvog dogovora, jednako kao i u slučaju sudske odluke.

U periodu od 06. do 17. novembra 2017. godine, pred Općinskim sudom u Sarajevu realizovane su aktivnosti pod nazivom „Sedmica sudske nagodbe“, a na inicijativu Visokog sudskog i tužilačkog vijeća BiH. Cilj iste je razvijanje svijesti stranaka o prednostima sudske nagodbe kao mirnog načina rješavanja spora kroz promotivni materijal. Osim navedenog sud je posebno izdvojio predmete pogodne za zaključivanje sudske nagodbe u kojima je u periodu od 06. do 17. novembra 2017. godine pozvao stranke da sporove pokušaju riješiti mirnim putem/sudskom nagodbom.

Također, provođenje aktivnosti „Sedmice sudske nagodbe“ predviđeno

## konflikta među strankama - 27. aprila 2018. godine



je u periodu 16. - 27. aprila 2018. godine sa ciljem rješavanja što je moguće većeg broja predmeta mirnim putem, u skraćenom postupku, koji je ekonomičniji i brži za stranke. U skladu sa navedenim pozivamo sve zainteresovane stranke, a čiji se predmeti vode pred ovim Sudom, da u navedenom periodu pristupe sudu te riješe svoj predmet sudskom nagodbom.

Napominjemo da stranke sudsku nagodbu pred sudovima mogu sklopiti svakog radnog dana, neovisno o vremenu održavanja „Sedmice sudske nagodbe“.



## Pohvale za „stručne, ljubazne, strpljive i nasmijane uposlenike Općinskog suda u Sarajevu“

Članom 123. i 124. Pravilnika o unutrašnjem sudskom poslovanju („Službeni glasnik BiH“ br. 66/12 i 40/14) propisano je da je sud dužan na vidnom mjestu postaviti kutiju za pritužbe, sugestije i pohvale te da je predsjednik suda dužan osnovati komisiju koja otvara kutiju, odnosno postupati po podnescima u skladu sa zakonom i drugim propisima.

Analiza podnesaka pronađenih u kutiji za pritužbe, sugestije i pohvale tokom 2017. godine pokazuje da većina uložениh podnesaka zapravo predstavljaju pohvale na rad uposlenika Suda. Pohvale se naročito odnose na rad uposlenika šalter sale, sobe za informacije, prijemne kancelarije te drugih pratećih službi, ali i na rad pojedinih sudija od kojih se najčešće izdvajaju sudije Porodičnog odjeljenja Suda.

Cilj uposlenika ovog Suda je da se građanima osigura nesmetan i jed-



nostavan pristup sudu zbog čega se puno pažnje posvećuje pojednosavljenju procedura i kvalitetnoj komunikaciji sa građanima kako bi izdvojili što manje svog vremena za poslove koje treba da obave u sudu. U tom smislu, a zahvaljujući reakci-

jama građana, možemo konstatovati da je rad uposlenika Općinskog suda u Sarajevu usmjeren u pravcu usvajanja najviših evropskih standarda nezavisnog, učinkovitog i profesionalnog pravosuđa.



▼ Sudija Privrednog odjeljenja Aleksandra Vuleta s asistentom Polovina Aidom





## Održana radionica pod naslovom „Tehnika izrade prvostepene sudske presude“

Dana 19.01.2018. godine u multi-medijalnoj sali Općinskog suda u Sarajevu održana je radionica „Tehnika izrade prvostepene sudske presude“, a u okviru Projekta unapređenje efikasnosti pravosuđa II kojeg implementira ovaj Sud i VSTV BiH, a finansira vlada Norveške. Cilj održane radionice je poboljšanje kvaliteta i efikasnosti rada sudova. Predavač na ovoj radionici bila je **gđa Marijana Omerčaušević, sudija Vrhovnog suda FBiH**, koja je analizom primjera iz sudske prakse ukazala na propuste i greške koje se često čine prilikom izrade presuda u pogledu forme i sadržine, te kako pravilno treba postupati u pogledu metodologije izrade prvostepenih



presuda. Analiza se zasnivala na interpretaciji relevantnih odredbi Zakona o parničnom postupku, te implementaciji rečenog prilikom izrade sudske presude - uvod, izreka, obrazloženje i pouka o pravnom lijeku.

Analiza se također oslanjala i na „Priručnik za pismenu izradu presuda u parničnom postupku“ kojeg su tokom 2017. godine razvile sudije Parničnog odjeljenja Općinskog suda u Sarajevu u okviru Projekta unapređenje efikasnosti pravosuđa II, a sve sa ciljem poboljšanja kvaliteta rada sudova. Ovaj Priručnik je dostupan na web stranici Općinskog suda u Sarajevu.

Radionici je prisustvovao veliki broj sudija Parničnog, ali i drugih odjeljenja ovoga Suda. ■



## Humanost na djelu u Općinskom sudu u Sarajevu

Humanost (čovječnost, ljudskost) je pogled na svijet, filozofija i praksa koja je fokusirana na pomaganje ljudima u nevolji.

Krajem 2017. godine, humanost su po drugi put za redom pokazali stručni saradnici i uposlenici Odjeljenja za sporove male vrijednosti na Ilidži koji su prikupili novac za kupovinu dječijih paketića kako bi uljepšali praznične dane određenom broju djece bez roditeljskog staranja.

Humanitarnoj akciji su se odazvali gotovo svi uposlenici te su svojim novčanim doprinosom omogućili kupovinu 19 dječijih paketića koji su ovaj put otišli u ruke djece bez roditeljskog staranja i djece sa posebnim potrebama iz udruženja „Naša djeca - Our kids u BiH“, Odjeljenje u Pazariću. Paketići su djeci uručeni u petak 22. decembra 2017. godine uz prisustvo



djeda mraza u okviru organizovanog prigodnog programa uručenja.

Iz Odjeljenja za sporove male vrijednosti na Ilidži pozivaju i druge kolege da se tokom decembra 2018. godine pridruže ovakvim akcijama. ■



## Godišnji izvještaj o radu sudskih odjeljenja Općinskog suda u Sarajevu tokom 2017. godine

Na početku 2017. godine u Općinskom sudu u Sarajevu bilo je 1.004.947 neriješenih predmeta iz prethodnih godina. Tokom godine zaprimljeno je 163.476 novih predmeta te je u radu ukupno bilo 1.168.423 neriješenih predmeta. Od tog broja riješeno je 227.877, dok je

neriješenih ostalo 940.546 predmeta. Ostvarena norma na nivou Suda iznosi 119,06%. Kvalitet rada Suda za 2017. godinu iznosi 89,81%. Od ukupnog broja neriješenih predmeta, 894.226 ili 95,08% čine komunalni predmeti, dok je 46.320 ili 4,92% strukturnih predmeta. ■

46.320	Struktura
-15.342	Izvršni - struktura
-6.195	Prekršaji
-3.751	ZK
-819	Registar
-142	Iks - referat
20.071	2,13%

### Parnično odjeljenje (Ostvarena norma 85,00%)

Izvještaj o radu Parničnog odjeljenja Općinskog suda u Sarajevu za period od 01.01.2017. godine do 31.12.2017. godine obuhvata:

- Rezultate rada Parničnog odjeljenja sa aspekta broja predmeta koji su bili u radu u navedenom izvještajnom periodu
- Rezultate rada Parničnog odjeljenja sa aspekta realizacije plana rješavanja predmeta i

- Aktivnosti u okviru Projekta unapređenja efikasnosti pravosuđa II u saradnji sa timom sudija Okružnog suda u Amsterdamu

Na početku izvještajnog perioda u Odjeljenju je bilo 4.221 neriješeni predmet prenesen iz 2016. godine. Navedeni broj, u odnosu na početak 2016. godine kada je u ovom Odjeljenju bilo 5.080 neriješenih predmeta, ukazuje na smanjenje broja neriješenih predmeta za 859. Tokom 2017. godine, Odjeljenje je primilo u rad 3.442 nova predmeta, tako da je sa prenesenim brojem neriješenih predmeta od 4.221 iz 2016. godine, u izvještajnom periodu u radu bilo ukupno 7.663 predmeta. U odnosu na 2016. godinu kada je ukupan broj predmeta



u radu u Odjeljenju bio 9.182, primjetno je smanjenje ukupnog broja predmeta u radu za 1.519. Također, tokom izvještajnog perioda smanjen je broj sudija u Odjeljenju sa 19 na 18.

U izvještajnom periodu, u Odjeljenju je riješeno 4.277 predmeta što ukazuje da je savladan kompletan priliv predmeta, a u odnosu na broj riješenih predmeta u 2016. godini (5.153), tj. smanjen je broj predmeta za 976. Pored navedenog, u toku 2017. godine je smanjen priliv novih predmeta u odnosu na 2016. godinu za 660 predmeta. Parnično odjeljenje je realizovalo godišnju normu u procentu od 85,00%, a Plan rješavanja predmeta u procentu od 78,26%.

Tokom cijele 2017. godine nastavljene su aktivnosti Odjeljenja na Projektu unaprjeđenja efikasnosti pravosuđa II u saradnji sa sudijama Okružnog suda u Amsterdamu. U okviru Općinskog suda pokrenute su aktivnosti kroz koje je otvorena saradnja ovog Odjeljenja sa drugim odjeljenjima Suda koja u svom radu primjenjuju Zakon o parničnom postupku FBiH (Odjeljenje za radne sporove, Privredno odjeljenje i Porodično odjeljenje), a sve sa ciljem proširenja Projekta, promocije i upoznavanja navedenih odjeljenja sa projektnim dokumentima kao i prenošenja pozitivnih iskustava ovog Odjeljenja u njihovoj primjeni. Između ostalog, u okviru projektnih aktivnosti, tokom 2017. godine organizovan je okrugli sto na temu izrade presuda, a nakon toga je izrađen Priručnik za pisanje presuda u građanskom postupku. Cilj ovih aktivnosti je

poboljšanje kvaliteta rada i uspostavljanje standarda kvaliteta. U svrhu uspostavljanja standarda kvaliteta, što je proces na kojem će se raditi i u narednom periodu, aktivnosti su usmjerene u dva pravca i to:

1. organizovana su simulirana suđenja u kontekstu usvojenih projektnih dokumenata kako bi se ukazalo na značaj pripreme sudije za održavanje ročišta, a zatim se pristupilo interviziji ročišta sudija u saradnji sa članovima holandskog tima i
2. na nivou Odjeljenja je počeo proces intervizije presuda.

## Odjeljenje za radne sporove (Ostvarena norma 111,00%)

Na Odjeljenju za radne sporove je u prvih 11 mjeseci prošle godine postupalo 16 sudija, a od 01.12.2017. godine 17 sudija, pa su sudije ovog Odjeljenja na dan 31.12.2017. godine zaduženi sa po 359 predmeta. Značajno je naglasiti da je prosječna zaduženost sudija tokom 2016. godine bila puno veća – po referatu 503 predmeta.

Na početku izvještajnog perioda u Odjeljenju je bilo



▼ Sudija Odjeljenja za radne sporove Kenan Hodžić



▼ Detalji sa sastanka sudija Porodičnog odjeljenja i Predsjednice suda

7.552 neriješenih predmeta, od čega 7.453 radna spora, a 99 predmeta iz građansko-pravne oblasti koji su preostali iz ranijih referata sudija. Tokom godine primljeno je ukupno 2.762 predmeta što je u odnosu na 2016. godinu manje za 48%.

Iz tog razloga je u radu tokom 2017. godine bilo 10.324 predmeta, što je za oko 1.500 predmeta manje u odnosu na 2016. godinu. Tokom 2017. godine je riješeno 4.213 predmeta, pa je ostalo neriješeno 6.101 predmet, što je za 19% manje u odnosu na broj neriješenih predmeta na koncu 2016. godine. Odjeljenje je ostvarilo godišnju normu sa 111,00%.

Također, značajno je smanjen i period potreban za eliminaciju neriješenih predmeta (prethodne godine koeficijent eliminacije je iznosio 1,76, a 2017. godine 1,45).

Iz naprijed navedenog proizilazi zaključak da je tokom 2017. godine savladan priliv i značajno smanjen ukupan broj neriješenih predmeta.

Ističemo i da je na nivou Odjeljenja Plan rješavanja predmeta realiziran sa 73,63%, pa je očito da su sudije posebnu pažnju posvetile rješavanju predmeta upravo prema starosti inicijalnog akta.

Na koncu, naglašavamo da je kvalitet odluka ovog Odjeljenja jedan od najboljih na Sudu, pa je procenat potvrđenih odluka (ukupno vraćeno 988 odluka), u odnosu na broj ukinutih i djelimično ukinutih, visokih 94,84%.

## Porodično odjeljenje (Ostvarena norma 131,00%)

Tokom 2017. godine u Porodičnom odjeljenju ovog Suda bilo je raspoređeno pet sudija, a ostvarena norma Porodičnog odjeljenja iznosi 131,00%. Od 01.12.2017. godine broji šest sudija.

Tokom 2017. godine u Porodičnom odjeljenju ukupno je zaprimljeno 1.170 predmeta, a kako je u ranijem periodu ostalo neriješenih 1.396 predmeta, ukupno je u radu bilo 2.566 predmeta. Od tog broja riješeno je 1.474, dok je neriješenih ostalo ukupno 1.092 predmeta.

Kada je riječ o prilivu u 2017. godini, priliv je iznosio 1.170 predmeta, dok je u 2016. godini zaprimljeno 1.341, dakle, došlo je do smanjenja priliva i to za 171 predmet. Kada govorimo o broju riješenih predmeta, u 2017. godini riješeno je 1.474, dok je u 2016. riješeno 1.088, dakle u 2017. je riješeno 386 predmeta više u odnosu na 2016. godinu iz razloga što je u 2017. godini povećan broj sudija na Odjeljenju za dvoje.

2017. godina završena je sa 1.092 neriješena predmeta, dok je krajem 2016. godine u ovom Odjeljenju ostalo 1.293 neriješena predmeta, a što predstavlja smanjenje broja neriješenih predmeta u 2017. godini u odnosu na 2016. godinu i to za 201 predmet.



Posebna pažnja je posvećena rješavanju najstarijih predmeta, te je Odjeljenje, procentom od 72,56%, značajno smanjilo broj starih predmeta u odnosu na raniju godinu.

U izvještajnom periodu, sa Kantonalnog suda je vraćeno 133 predmeta u kojima je izjavljena žalba. Od tih predmeta 97 odluka je potvrđeno, 21 ukinuta, 7 djelimično ukinutih, a 8 odluka je preinačeno pa je kvalitet rada Odjeljenja za 2017. godinu iznosio 81,58%. Treba istaći da je Porodično odjeljenje nadležno da sudi u postupcima: razvoda braka, poništenja braka, utvrđivanja da brak postoji ili ne postoji, kao i u postupcima povjeravanja djece, izdržavanja djece, bračnih, odnosno vanbračnih partnera, uređivanja ličnih kontakata mladb. djece i roditelja, utvrđivanje, odnosno osporavanje očinstva/materinstva, imovinski odnosi bračnih/vanbračnih/drugova, te određivanje mjera osiguranja kao i privremenih mjera osiguranja, a shodno odredbama Porodičnog zakona FBiH navedeni postupci su hitne prirode, sa kratkim rokovima za postupanje, što zahtijeva maksimalnu angažovanost postupajućih sudija.

Kako svako odjeljenje Suda ima svoje specifičnosti, tako i Porodično odjeljenje pored hitnosti u postupanju zahtijeva i neprestanu saradnju sa Službama socijalne zaštite na području Kantona Sarajevo, koje na osnovu odredbi Porodičnog zakona FBiH učestvuju u postupcima kao organ starateljstva i neposrednim kontaktom sa strankama, a potom i aktivnim učešćem u sudskim postupcima daju Sudu neophodne informacije za donošenje pravilnih i na zakonu zasnovanih odluka, te u vezi sa tim ostvarena je kvalitetna saradnja cjelokupnog Odjeljenja sa svim Službama socijalne zaštite.

## Privredno odjeljenje

**(Ostvarena norma 119,00%)**

U 2017. godini, kao i ranijih godina, Privredno odjeljenje je rješavalo predmete privrednih sporova (Ps), stečajnih postupaka (St) i likvidacionih postupaka (L). Na rješavanju ovih predmeta radilo je devet sudija. Na referatu privrednih sporova radilo je osam sudija, na referatu stečajnih postupaka radilo je četvero sudija, dok su na referatu likvidacije pravnih lica radile sve sudije Odjeljenja.

Na početku 2017. godine, ukupan broj neriješenih predmeta iznosio je 1.867. U toku godine zaprimljeno je 1.862 predmeta, riješeno je 2.251 predmet i na kraju godine ostalo je neriješenih 1.578 predmeta.

Iz navedenih podataka evidentno je da je ovo Odjeljenje

smanjilo broj neriješenih predmeta u toku godine za 289 predmeta.

Na referatu privrednih sporova na početku godine bilo je ukupno 1.416 neriješenih predmeta. U toku godine zaprimljeno je 1.420 predmeta, riješeno je 1.704 predmeta, tako da je na kraju godine ostalo ukupno 1.132 neriješenih predmeta.

Na referatu stečajnih predmeta na početku godine bilo je 141 neriješen predmet. U toku godine zaprimljeno je 142, riješeno je 89 predmeta i na kraju godine ostalo je neriješenih 194 predmeta.

Na referatu likvidacije pravnih lica na početku godine bilo je 310 neriješenih predmeta, u toku godine zaprimljeno je 300 predmeta, riješeno je 358 i na kraju godine ostalo je 252 neriješenih predmeta.

Evidentno je da je na referatu privrednih sporova došlo do smanjenja priliva predmeta u 2017. godini u odnosu na ranije godine, a da je došlo do enormnog povećanja broja stečajnih i likvidacionih predmeta, posebno u drugoj polovini 2017. godine, na što će se obratiti posebna pažnja u 2018. godini.

Sve sudije u ovom Odjeljenju su ispunile utvrđenu normu u smislu Pravilnika o orijentacionim mjerilima za rješavanje predmeta, postupaju po Planu rješavanja predmeta.

Sudije sa na sastancima Odjeljenja kao i na sastancima manjih grupa sa predsjednikom Odjeljenja i pojedinačnim razgovorima sudija sa predsjednikom Odjeljenja radili timski, usaglašavali stavove te je na ovakav način održan kontinuitet uspješnog rada Odjeljenja.

## Krivično odjeljenje

**(Ostvarena norma 107,00 %)**

Na Krivičnom odjeljenju Općinskog suda u Sarajevu tokom 2017. godine postupalo je 12 sudija.

Na početku izvještajnog perioda, Krivični referat Suda je brojao ukupno 2001 neriješen predmet. U toku 2017. godine zaprimljeno je 6.878, riješeno 7.096 pa je na kraju godine broj neriješenih predmeta iznosio 1.783 (K-1100, Kp-1, Kpp- 84, Kps- 539, Km - 7, Kmv-0, Kv- 52).

Iz naprijed navedenog proizilazi da je priliv u potpunosti savladan kao i da je vidno smanjen broj neriješenih predmeta, bez da je narušen kvalitet rada odjeljenja, a što je posebno vidljivo iz slijedećeg:

U toku izvještajnog perioda tokom 2017. godine na Krivičnom odjeljenju ovog Suda ostvarena je norma od 107,00%, kvalitet rada iznosi 97,00% te je značajno pomenuti da je riješeno 73,64% starih predmeta na



▼ Sudija Merima Bilić-Kurtović, predsjednica Krivičnog odjeljenja Općinskog suda u Sarajevu

nivou Odjeljenja. Tokom izvještajnog perioda posebna pažnja je posvećena rješavanju predmeta prema starosti inicijalnog akta.

Jedan od bitnih segmenata u radu ovog Odjeljenja je pružanje podrške svjedocima. U maju 2017. godine potpisan je protokol o međusobnoj saradnji nadležnih institucija i udruženja u pružanju podrške svjedocima. Odjel za podršku svjedocima pruža psihološku, psihoterapijsku, logističku pomoć i drugu potrebnu pomoć svjedocima što uveliko olakšava rad sudijama prilikom vođenja postupaka. Tokom 2017. godine Odjel za podršku svjedocima je u predmetima pred Općinskim sudom u Sarajevu tretirao jednu odraslu - mlađu punoljetnu osobu te 25 malodobnih osoba.

## Izvršno odjeljenje

**(Ostvarena norma 79,00%)**

U Izvršnom odjeljenju Općinskog suda u Sarajevu, u 2017. godini bilo je raspoređeno 25 sudija i četiri stručna saradnika. Na početku godine u ovom Odjeljenju je bilo 16.271 neriješeni predmet, što je manji broj u odnosu na broj neriješenih predmeta u 2016. godini, koji je iznosio 17.228 predmeta. U toku izvještajnog perioda zaprimljeno je novih 14.003 predmeta, te je u radu ukupno bilo 30.274 predmeta. Od navedenog broja riješeno je 14.923 predmeta, dok je neriješenih ostalo 15.342 predmeta. Na osnovu navedenih brojčanih pokazatelja može se konstatovati da je priliv savladan, a broj predmeta smanjen za 920.

Ostvarena norma Odjeljenja u 2017. godini je 79,00%, što je manje u odnosu na 2016. godinu, kada je norma iznosila 93,30%.

Razlog slabijeg rezultata Odjeljenja u izvještajnom periodu je propisani način iskazivanja norme sudija.

Naime, jedinstven stav sudija ovog Odjeljenja je da norma propisana Pravilnikom o orijentacionim mjerilima sudija i stručnih saradnika nije realna te da ista ne odgovara uloženom radu sudija na rješavanju predmeta. U vezi navedenog, sudije ovog Odjeljenja su dostavili, još prije tri godine, prijedlog za izmjenu navedenog Pravilnika Visokom sudskom i tužilačkom vijeću BiH, o kojem još uvijek nije odlučeno.

Značajan napredak je ostvaren u pogledu Plana rješavanja predmeta, koji u 2017. godini iznosi 71,20% dok je u 2016. godini iznosio 68,56%, što ukazuje na ozbiljnost pristupa radu sudija Odjeljenja.

Posebno dobar rezultat je ostvaren u pogledu kvaliteta odluka, tako da u „I“ predmetima iznosi 90,26%, a „Ip“ predmetima 93,70%, što predstavlja veći procenat od ostvarenog procenta Suda u cjelini.

U toku 2017. godine, na sastancima Odjeljenja je posebno posvećena pažnja ujednačavanju sudske prakse, te su razmatrani problemi u radu i analizirane mogućnosti za ostvarenje boljih rezultata i ostvarivanje norme sudija. U cilju kvalitetnijeg i efikasnijeg rješavanja izvršnih predmeta u okviru Projekta unaprijeđenja efikasnosti pravosuđa II, obavljeno je niz aktivnosti od kojih je najznačajnija ostvarena saradnja sa Kantonalnim sudom u Sarajevu.



▼ Sudija Merdita Tufo, predsjednica Izvršnog odjeljenja Općinskog suda u Sarajevu



## Vanparnično odjeljenje Prekršajno odjeljenje (Ostvarena norma 100,00%) (Ostvarena norma 111,00%)

Na Vanparničnom odjeljenju je u 2017. godini ostvarena godišnja norma od 100,00%. Na Odjeljenju je bilo raspoređeno dvoje sudija i tri stručna saradnika, od kojih su dva stručna saradnika počela sa radom u drugoj polovini 2017. godine, što je značajno doprinijelo ostvarivanju konačne norme Odjeljenja.

Na početku 2017. godine Vanparnični referat je brojao 5.587 neriješenih predmeta, zaprimljeno je 7.674 predmeta, tako da je ukupno u radu bilo 13.261 predmet. Od tog broja u 2017. godini je riješeno 7.130 predmeta, dok je ostalo neriješeno 6.131 predmet, od čega je vanparničnih predmeta „V“ 597, „O“ predmeta 476, te predmeta koji su vraćeni od notara oznake „O“ 5.058. Detaljnija analiza referata pokazala je da tokom 2017. godine priliv nije savladan na „V“ referatu za 252 predmeta te „O“ referatu za 508 predmeta koji su vraćeni od notara. Na „O“ referatu (sudski spisi) priliv je potpuno savladan te je smanjen ukupan broj neriješenih ovih predmeta za 216. Na ovakve rezultate je uticalo neplanirano povećanje priliva „V“ predmeta u drugoj polovini 2017. godine. Usporedna analiza pokazuje da je priliv predmeta u 2017. godini u odnosu na 2016. godinu povećan za 552 predmeta, od čega je 465 „V“ predmeta, tako da je broj riješenih predmeta u 2017. godini manji za 620 predmeta u odnosu na 2016. godinu.

Treba istaći da su vanparnični „V“ predmeti hitne prirode, zahtijevaju maksimalnu angažovanost sudija, svakodnevne kontakte sa strankama, veliki broj uviđaja na licu mjesta te imaju veoma kratke rokove za postupanje. Povećan priliv ovih predmeta je doprinio ovakvom rezultatu rada Odjeljenja.

Kada se uzme u obzir da je na Odjeljenju u izvještajnom periodu radilo dvoje sudija koji su rješavali „V“ predmete, da su stručni saradnici rješavali „O“ predmete, da rješavanje „O“ predmeta koji se povjeravaju notarima zavisi od dinamike rada samih notara te da je Odjeljenje ostvarilo normu od 100,00% i realizovalo Plan rješavanja predmeta u iznosu od 74,50%, to se rad ovog Odjeljenja može ocijeniti dobrim.

Na kraju 2017 godine kod notara, kao povjerenika suda za rješavanje ostavinskih predmeta ostao je neriješen 2.841 predmet.

Prekršajno odjeljenje Općinskog suda u Sarajevu odlučuje o prekršajima koji su počinjeni na teritoriji Kantona Sarajevo. Prekršaji predstavljaju kršenje propisa, javnog poretka ili drugih društvenih vrijednosti koje nisu zaštićene krivičnim zakonima i drugim zakonima u kojima su propisana krivična djela, kao i kršenje drugih propisa kojima su određena obilježja prekršaja i za koje su propisane sankcije.

Prekršajno odjeljenje Općinskog suda u Sarajevu 2017. godinu je započelo sa 5.757 neriješenih predmeta.

U toku 2017. godine zaprimljeno je 14.929 novih predmeta, tako da je u radu bilo ukupno 20.686 predmeta, dok je u njihovom rješavanju do mjeseca aprila učestvovalo 12 sudija, a potom 11 sudija jer je jedan sudija u ovom periodu penzionisan.

Od ukupnog broja predmeta u protekloj godini ovo Odjeljenje je riješilo 14.491 predmet, što je za 3.309 predmeta više nego u prošloj godini, dok je u radu ostalo 6.195 neriješenih predmeta, te je ostvarena prosječna norma od 111,00% što je za 28,35% više u odnosu na prošlu godinu.

Sa drugostepenog suda vraćeno je 536 predmeta u kojima je rješavano po žalbi. Od tog broja 57 odluka je ukinuto, potvrđeno je 479 te procenat potvrđenih odluka iznosi 91,79% što nedvosmisleno ukazuje da je kvalitet rada sudija u proteklom izvještajnom periodu bio izrazito visok.

Uspjeh ovog Odjeljenja, pored gore navedenog kvaliteta rada sudija, ogleda se i u činjenici da je realizacija Plana rješavanja predmeta u 2017. godini iznosila 93,10%.

Također je značajno napomenuti da u su u ovom Odjeljenju sudije zadužene za 24-satne dežure, te da su sve sudije u izvještajnom periodu potpuno odgovorile postavljenim zadacima u tom smislu.

Na referatu izvršenja prekršajnih sankcija utokom izvještajnog perioda naplaćeno je 1.264.594,50 KM prekršajnih kazni.

U cilju što boljeg i efikasnijeg rada i bolje realizacije orijentacionih mjerila Prekršajnog odjeljenja ovog Suda, Odjeljenje sudije smatraju da je od strane VSTV BiH potrebno ponovo razmotriti orijentacione norme za rad na prekršajnim predmetima jer je postojeća norma, meritorno 78 predmeta ili 132 predmeta po ostalim načinima završetka, previsoka i nerealna obzirom na složenost postupka.

## Odjeljenje registra za upis pravnih lica (Ostvarena norma 202,00%)

U ovom Odjeljenju, na početku 2017. godine bilo je 911 neriješenih predmeta vezanih za upis osnivanja poslovnih subjekata i upis promjena za već osnovane subjekte, a zaprimljeno je 6.566 novih predmeta što predstavlja najveći priliv od 2005. godine. Tako je u izvještajnom periodu u radu bilo ukupno 7.477 predmeta, što je u odnosu na 2016. godinu više za 979 zaprimljena predmeta.

Od ukupno 7.477 predmeta u radu, riješeno je 6.658 predmeta (najveći broj riješenih predmeta od 2005. godine), odnosno više za 1.239 predmeta u odnosu na prethodni period, tako da zaostatak na kraju izvještajnog perioda iznosi 819 neriješenih predmeta, odnosno 92 predmeta manje nego u prethodnom periodu.

Sastavni dio Odjeljenja registra poslovnih subjekata je i izdavanje potvrda, uvjerenja, aktuelnih i historijskih izvoda na zahtjeve fizičkih i pravnih lica, te resornih ministarstava, kao i drugih tijela i organa, službi osnovanih zakonom i ovaj segment registra vodi se pod oznakom REGz. U ovom izvještajnom periodu ukupno je bilo u radu 10.673 zahtjeva, riješeno je 10.449 zah-

tjeva, te zaostatak na kraju izvještajnog perioda iznosi 224 zahtjeva.

Rezultat rada Odjeljenja ostvaren je zahvaljujući ulaganju dodatnog napora svih sudija i uposlenika pisarnice Odjeljenja, a čemu je dodatno doprinijela pažljiva i dobra procjene potreba pravovremenog povećanja broja sudija na ovom Odjeljenju. Naime broj sudija u 2017. godini je povećan radi rješavanja zaostataka i savladavanja priliva koji se kontinuirano povećavao od 2005. godine, od kada je Odjeljenje registra dodeljeno u nadležnost ovog Suda. Primjera radi, u 2005. godini zaprimljeno je 2.672 predmeta dok je priliv u 2017. godini iznosio 6.585 predmeta. Analiza pokazuje da je tokom 2017. zaprimljeno najviše predmeta u ovo Odjeljenje, ali istovremeno da je 6.658 riješenih predmeta predstavlja rekordan broj riješenih predmeta za cijeli period od uspostavljanja Odjeljenja registra na ovom Sudu.

Norma Odjeljenja za 2017. godinu iznosi 202,30%, a najniža pojedinačna norma je 168,90%, a najviša 228,00%.

Povećani priliv predmeta i pored vanrednog angažmana i rada i sudija i uposlenika imao je uticaj i na trajanje vremena registracije, a što se odrazilo kroz neznatno povećanje roka registracije u postupanju suda, a po prijavama za osnivanje društava. Tako je rok sa 13,21 dan povećan na 14,29 dana, dok je rok za dobivanje poreznog broja povećan sa 1,39 na 6,11 dana.





Ova povećanja su prije svega posljedica promjena i implementacije novog softvera u poreznim upravama tokom trećeg i četvrtog kvartala 2017. godine što se odrazilo i na to da postupak registracije traje duže, odnosno da se poveća na 14,29 dana.

Kvalitet sudskih odluka na ovom Odjeljenju iznosi 90,60% što se može smatrati zadovoljavajućim uspjehom. Kvalitet rada je poboljšana za 3,1% u odnosu na 2016. godinu.

Odjeljenje je uzelo učešća i u prijedlozima i sugestijama u pripremama za izradu i implementaciju elektronskog registra kao eventualno jednošalterskog sistema, kao i projektu digitalizacije arhive registra. Ovi projekti se odvijaju odlukom Vlade FBiH uz podršku Svjetske banke, a sve u cilju korištenja podataka u elektronskom obliku kroz novi program koji će imati za cilj u krajnjem slučaju on-line registraciju.

Sudije redovno drže sastanke Odjeljenja na temu ostvarenja Plana za 2017. godinu, radi praćenja i analize kvaliteta i kvantiteta rada Odjeljenja, razmatranja prijedloga i davanja mišljenja sudiji – članu radne grupe Vlade FBiH za izradu novih propisa i softvera za uvođenje jednošalterskog sistema u skladu sa odredbama novog Zakona o registraciji poslovnih subjekata, te radi razmatranja pravnih pitanja za Pravilnik o upisu u registar navedenih podružnica (kao prelazno rješenje do donošenja novog zakona). Bitno je istaći da se pristupilo i upisu u registar podružnica stranih pravnih lica.

Ovakav rad Odjeljenja rezultat je timskog rada obzirom da je svaki uposlenik Odjeljenja učestvovao u ostvarivanju Plana te doprinio savladavanju priliva i smanjenju zaostataka, kao i poboljšanju kvaliteta rada, čime su ostvarene aktivnosti, ciljevi i rezultati plana za 2017. godinu i rad Odjeljenja se može ocijeniti vrlo uspješnim.

## Zemljišnoknjižni ured

(Ostvarena norma 104,00%)

Zemljišnoknjižni ured Općinskog suda u Sarajevu je u 2017. godini zaprimio 33.692 DN predmeta, te je sa zaostatkom od 1.803 predmeta iz prethodne godine ukupno u radu bilo je 35.495 DN predmeta. Od tog broja urađeno je 31.744 predmeta tako da je sa 01.01.2018. godine ostalo neurađenih 3.751 DN predmeta.

U istom periodu zaprimljeno je 106.000 zahtjeva za izdavanje zemljišnoknjižnih izvadaka, 958 zahtjeva za izdavanje zemljišnoknjižnih izvadaka sa historijatom

i 12.448 RZ-ova (raznih zamolnica-obavještenja, uvjerenja, potvrda i sl.) i po svim zahtjevima je uglavnom postupljeno.

Od posebnog značaja za rad Zemljišnoknjižnog ureda je i kvalitet donesenih odluka. Na ukupan broj urađenih predmeta u 2017. godini (31.744 predmeta), zaprimljeno je svega 300 žalbi na rješenja ovog Ureda. Od toga u istoj godini po žalbama, Kantonalni sud u Sarajevu riješio je 260, i to 239 potvrdio, a svega 21 ukinuo i vratio na ponovni postupak (8,07%).

**Tabelarni pregled priliva „Dn“, „Rz“, „Nar“ predmeta te naplaćene sudske takse u Zemljišnoknjižnom uredu Općinskog suda u Sarajevu za period od 2010. i 2017. godine**

	Broj zaprimljenih „Dn“ predmeta	Broj zaprimljenih „Rz i Nar“ predmeta - (ZK izvadi, historijati ZK uložaka, uvjerenja, zamolnice i sl.)	Iznos naplaćene sudske takse
2010. g.	28.029	81.107	1.533.629,00
2011. g.	27.782	77.282	1.429.578,00
2012. g.	26.334	77.210	2.057.109,00
2013. g.	26.176	77.992	1.726.676,00
2014. g.	29.387	83.530	1.587.848,00
2015. g.	32.806	92.722	1.666.301,00
2016. g.	32.635	98.147	2.740.413,00
2017. g.	33.692	119.406	1.284.500,00

Iz priložene tabele, evidentno je da je u prethodnih sedam godina dolazilo do kontinuiranog povećanja obima posla koji ne proizilaze samo iz povećanog priliva zemljišnoknjižnih predmeta, nego i zbog povećanja drugih segmenata rada Zemljišnoknjižnog ureda, kao što su zamolnice (koje zahtijevaju istraživanje u zemljišnim knjigama (npr. istraživanje o imovini dužnika-neplatiša za banke isl.), izdavanje historijata zemljišnoknjižnih uložaka, potvrda o neposjedovanju nekretnina, kao i ogroman broj zahtjeva za zemljišnoknjižnim izvadcima što je direktno posljedica novog Zakona o prebivalištu i boravištu državljanja BiH.

Donošenjem Zakona o izmjeni Zakona o prebivalištu i boravištu kao i Zakona o stvarnim pravima FBiH, evidentno je povećanje zemljišnoknjižnih zahtjeva. Uprkos činjenici da je primjena navedenih zakona uveliko otpočela, donosioci zakona nisu izradili ekonomsku analizu o resursima neophodnim za njihovu

dosljednu primjenu. Tako u Sudu nije povećan broj zemljišnoknjižnih referenata, iako za to postoji potreba obzirom da su prisutni zaostali neriješeni predmeti i nezadovoljstvo građana, a nisu osigurana ni potrebna materijalna sredstva za dodatne troškove. Evidentno je da se Zemljišnoknjižnom uredu ovog Suda dnevno obrati oko 200-250 stranaka sa različitim vrstama zahtjeva. Navedeno je utvrđeno na osnovu podataka o prilivu broja predmeta i naplati sudske takse (za period 2017. godine naplaćena taksa iznosi 1.284,500,00), a što je konstatovano u priloženoj tabeli.

Pored svih navedenih obaveza, u okviru ovog Odjeljenja u toku je i Projekat harmonizacije, ažuriranje podataka u nekretninama katastra i zemljišnih knjiga, a sve na osnovu sporazuma o zajedničkoj implementaciji ovih aktivnosti potpisanog od strane Federalne geodetske uprave i Općinskog suda u Sarajevu.

U tom smislu je od početka projekta harmonizacije, tj. od 2016. godine pa do danas, zaprimljeno je 52.467 predmeta. Od toga broja je završeno 33.839 dok je 18.628 predmeta ostalo nezavršeno.

Tokom 2017. godine vršene su analize rada Zemljišnoknjižnog ureda obzirom na veliko povećanje obim posla Suda u odnosu na broj uposlenika te su u tom smislu preduzete određene aktivnosti u svrhu jačanja kapaciteta Ureda čiji rezultati se očekuju tek 2018. godine.

## Odjeljenje za sporove male vrijednosti

(Ostvarena norma 149,00%)

U Odjeljenju za sporove male vrijednosti na kraju 2017. godine ostalo je neriješeno 102.423 predmeta. U toku 2017. godine zaprimljeno je 15.508 predmeta tako da je u radu bilo ukupno 129.120 predmeta. Na kraju 2017. godine urađeno je 26.697 predmeta, te je ostalo u radu 102.423 predmeta. Ostvarena je ukupna godišnja norma Odjeljenja u iznosu od 149,27% i smanjen je zaostatak za 11.581 predmet.

U 2017. godini Kantonalni sud u Sarajevu je rješavao po žalbama u predmetima ovog Odjeljenja te je donio drugostepenu odluku u ukupno 556 predmeta. U 480 predmeta odnosno 86,33% je potvrdio odluku prvostepenog suda, u 41 predmetu odnosno 7,37% odluku preinačio, te u 48 predmeta odnosno 8,63% odluku ukinuo i vratio na ponovno odlučivanje.

U toku izvještajnog perioda se intenzivno radilo i na rješavanju Mal Kom predmeta koji nisu zavedeni u CMS sistemu te je ovo Odjeljenje uz dodatno angažovanje svih uposlenika u 2017. godini riješilo 5.882 ovakvih predmeta.



▼ Šalter sala Zemljišnoknjižnog ureda Općinskog suda u Sarajevu





Protok predmeta po godinama	Broj predmeta na početku godine	Broj zaprimljenih predmeta	Broj riješenih predmeta	Broj predmeta na kraju godine
2013. godina	140.755	28.990	35.121	134.624
2014. godina	134.624	26.609	40.517	120.716
2015. godina	120.716	22.399	28.090	115.025
2016. godina	115.026	26.369	27.391	114.004
2017. godina	114.004	15.508	26.697	102.423

Analizirajući godišnji izvještaj o radu može se zaključiti da je Odjeljenje za sporove male vrijednosti nastavilo trend savladavanja priliva predmeta i smanjilo ukupan zaostatak za 10,15%, odnosno kako je ranije rečeno, 11.581 predmet, smanjivši pri tom broj Mal predmeta za 2.413 ili 16,88%, Mals predmeta za 547 ili 9,74%, Mal-kom predmeta za 7.897 ili 8,96% i Mals-kom za 332 ili 5,86% predmeta.

## Izvršno odjeljenje po vjerodostojnoj ispravi (Ostvarena norma 471,00%)

Funkcionalni prelazak Izvršnog odjeljenja po vjerodostojnoj ispravi na Grbavici iz sistema KODIFEL, te potpuna implementacija projekta SOKOP, bio je fokus 2017. godine, pa je cijelo Odjeljenje bilo prvenstveno usmjereno na održivost funkcionalnosti sistema prilikom implementacije SOKOP-a. Implementacija je započela sredinom avgusta, ali se sistem još uvijek testira, uočavaju se nedostaci koji se, uz podršku projektnog tima VSTV BiH, pokušavaju otkloniti u što kraćem roku.

Imajući u vidu da je od početka primjene elektronskog sistema obrade predmeta u ovom Odjeljenju zaprimljeno 1.565.404 predmeta te da je završeno 770.450 predmeta cijeno da se Odjeljenje uspješno nosi sa velikim protokom predmeta. Tome sigurno doprinosi velika preglednost baze podataka koja je neprocjenjiva obzirom na mogućnost automatske obrade podataka. Prema Pravilniku o orijentacionim mjerenjima za praćenje rezultata rada sudija, koje je utvrdilo Visoko sudsko i tužilačko vijeće BiH, orijentaciona mjesečna norma Odjeljenja na godišnjem nivou iznosi 471%. Ovakva norma je rezultat efikasnosti rada u procesuiranju predmeta u sistemu KODIFEL te dodatnog napora uloženog od strane cijelog Odjeljenja.

Bez obzira na poteškoće uzrokovane promjenom sistema i velikim obimom posla, Odjeljenje je na kraju 2017. godine zaprimilo manji broj predmeta u odnosu

na ranije godine što se smatra pozitivnim pomakom u općem smislu.

## IKT odsjek

U 2017. godini IKT odsjek Općinskog suda u Sarajevu, koji broji 6 službenika, radio je na rješavanju mnoštva zadataka iz oblasti informacionih tehnologija i komunikacija. Obavljeno je 5.745 intervencija ili 957 intervencija po IKT službeniku, a odnose se direktno na korisnike IKT opreme u svakodnevnom radu. Urađen je kompletan servis na 127 radnih stanica, 181 servis na printerima i 18 servisa na kopir aparatima. Izvršeno je instaliranje sistemskih paketa (images) na 191 radnu stanicu i dodano 50 novih korisnika u domen pravosuđa.

U vezi navedene tvrdnje, pored pobrojanih aktivnosti koje se odnose direktno na korisnike informacionog sistema, a koji se nalaze na četiri lokacije, IKT odsjek obavio je i sljedeći niz zadataka: izrada sigurnosnih kopija podataka 255 puta za file server, 230 za E-grunt server, 220 za e-arhiv, a sve se uredno pohranjuje na sigurnu lokaciju. IKT odsjek odgovoran je i za audio i video sistem praćenja sudskih ročišta kojih je u prošloj godini obavio preko 400. Pripremljeno je 220 dnevnih rasporeda suđenja u sudnicama, 47 sedmič-



nih i 1.175 pojedinačnih rasporeda za sudije. Koordiniran je plan korištenja sudnica u kojima je u 2017. godini obavljeno 5.145 suđenja. Pored svega navedenog izvršena je provjera 113 bankovnih računa raznih pravnih subjekta, preko 100 raznih obavještenja poslano na lokalne e-mail adrese unutar Suda, redovno ažuriranje Službenih novina i postavljanje na intranet Suda kao i postavljanje sudske prakse Suda BiH i Vrhovnog suda na mrežu, skeniranje raznih dokumenata (dopisi, ocjene...) itd.

IKT službenici u svom radu koriste razne metode, ali prvi korak u otklanjanju problema jeste komunikacija, gdje dolazi do direktnog kontakta korisnika (sudija, referent) i IKT službenika. IKT službenik stoga treba biti spreman na različite situacije i načine interpretiranja problema od strane korisnika kako bi korisniku pružio pomoć i riješio problem. Komunikacija se može odvijati e-mailom, ali najčešće se koristi interni telefon. Ipak veliki dio podrške odvija se na lokaciji korisnika gdje dužina intervencije može potrajati u ovisnosti o težini problema.

Imajući u vidu da Sud raspolaže sa 18 komunikacijskih ormara, 15 servera, 520 radnih stanica te oko 570 korisnika, analiza pokazuje da je Odsjek sa samo 6 uposlenika veoma uspješno održavao u radu navedenu opremu te servisirao sve prijavljene probleme. Za kvalitetnu IKT podršku ili helpdesk potrebno je kontinuirano jačati kapacitete Odsjeka u pogledu ljudskih i materijalnih resursa te vršiti kontinuiranu edukaciju službenika.

## Odsjek za CMS

Odsjek za CMS je tokom 2017. godine radio sa tri uposlenice, dvije više referentice i šefa Odsjeka. Sve uposlenice su obavljale poslove CMS administratora.

U praksi, rad CMS administratora, odnosno komunikacija sa korisnicima, se odvija kroz CMS aplikaciju, elektronsku korespondenciju, telefonske pozive i intervencije na licu mjesta, kao i kroz edukaciju korisnika.

Najveći broj obraćanja korisnika koje je Odsjek za CMS imao u toku 2017. godine, njih 30.533, je stigao kroz samu CMS aplikaciju, dok je 15.171 zahtjev za



korekciju upućen putem e-maila. Osim toga, CMS administratori su imali i 5.762 intervencije pristigle telefonskim putem, a bilo je i 170 direktnih obraćanja korisnika koji su imali problem vezan za CMS. Neke od ovih radnji su bile realizovane jednostavnim klikom u aplikaciji, dok su druge iziskivale mnogo zahtjevniju analizu i angažman. Ovih preko 50.000 obraćanja korisnika je prouzrokovalo 107.709 intervencija, odnosno korekcija u CMS-u urađenih od strane CMS administratora.

U poređenju sa 2016. godinom, uočljivo je povećanje broja korekcija u CMS-u za preko 14.000, što daje porast obima posla od 15,2%. Tabela daje uporedne pokazatelje aktivnosti za dvije posljednje godine, za različite načine komunikacije sa korisnicima.

Tokom 2017. godine održane su individualne obuke za 7 novih sudija i stručnih saradnika, 3 upisničara i 17 daktilografa. Također, radilo se i na redovnim obukama postojećih korisnika CMS-a, kako individualno, tako i kroz grupne e-mailove. Svaki put kada je pri-

Vrsta Intervencije	Broj radnji u 2017.	Broj radnji u 2016.	Razlika 2017. - 2016.
Invalidacije pristigle kroz CMS/proglasi nevažećim	30.553	25.668	4.885
Intervencije pristigle e-mailom	15.171	13.119	2.052
Intervencija-sugestija putem telefona	5.762	5.541	221
Intervencija na licu mjesta	170	479	-309



mijećeno da veći broj korisnika pravi istu grešku ili ima isti problem u radu sa CMS aplikacijom, poslan je grupni e-mail kojim se ukazalo na problem i u kojem je preporučeno način otklanjanja istog.

Tokom godine, osim redovnih aktivnosti, urađeno je i nekoliko veoma zahtjevnih zadataka, kao što je retroaktivno registrovanje vođenja krivičnog postupka i početak izdavanja uvjerenja o nevođenju krivičnog postupka u novoj aplikaciji CMS-2, prelazak na spajanje i razdvajanje predmeta kroz CMS-2, te retroaktivno registrovanje branilaca po službenoj dužnosti u krivičnim i prekršajnim predmetima. Početku primjene Modula za izdavanje uvjerenja o nevođenju krivičnog postupka, iz kog se trenutno vrši izdavanje uvjerenja u Sudu, su prethodile višemjesečne pripreme i aktivnosti oko retroaktivnog unošenja podataka. Bilo je neophodno retroaktivno evidentirati vođenje krivičnog postupka u hiljadama krivičnih predmeta koji u tom trenutku nisu bili arhivirani, kao i unijeti matični broj za sve stranke u tim predmetima koje isti nisu imale. Registrovanje pravnog osnova za pojedine stranke je također izvršeno u preko 3.000 predmeta. Osim organizacije posla, neophodne obuke referenata i asistentata, stalne kontrole i tehničke pomoći zaduženima za unos podataka, Odsjek za CMS je kroz komunikaciju sa IKT odjelom Visokog sudskog i tužilačkog vijeća Bosne i Hercegovine učestvovao u rješavanju brojnih problema koji su se ticali funkcionalnosti samog modula i pomogao u svakodnevnom prevazilaženju istih. Osim stalnog pružanja podrške korisnicima CMS-a, saradnja sa svim odjeljenjima u Sudu, kao i sa IKT odjelom VSTV-a je tokom čitave godine bila veoma dobra i intenzivna, a sve u cilju unapređenja rada korisnika.

## Odsjek sudskih izvršitelja

U Odsjeku sudskih izvršitelja tokom 2017. godine bilo je angažovano 13 izvršitelja (šef Odsjeka i 12 sudskih izvršitelja) koji su u protekloj godini proveli:

- 62 deložacije,
- 50 asistencija vještaku
- 53 rješenja o dosudi
- 105 okvirnih zakona o zalozima
- 21 uspješna pljenidba pmv (putničko motorno vozilo)
- 184 javne prodaje



▲ Šef Odsjeka sudskih izvršitelja Dženan Milić

U izvještajnom periodu Odsjek je zaprimio **5.068** naloga po rješenjima o izvršenju od čega je sudijama vraćeno **5.268** naloga po rješenjima o izvršenju (struktura). Na kraju 2017. godine, ostalo je **434** neriješenih naloga po rješenjima o izvršenju, tj. strukturalnih predmeta. Prema podacima koje vodi Odsjek, sudski izvršitelji su za 2017. godinu uspjeli naplatiti **144.255 KM**, što je ukupna visina naplaćenih izvršenja.

Tokom cijele godine izvršitelji su nastojali da ostvare plan rješavanja starih predmeta u sklopu izvršnog referata. Odsjek je tokom 2017. godine, konstantno na području nadležnosti Općinskog suda u Sarajevu, planirao i realizovao akcije po komunalnim rješenjima, po potrebi uz asistenciju sudske policije i prisustvo predstavnika tražioca izvršenja na licu mjesta.

Ukupno je isplanirano i realizovano 72 akcija u toku kalendarske godine pri čemu je Odsjek, profesionalnim, nepristrasnim, odgovornim i učinkovitim radom sudskih izvršitelja, nastojao ojačati povjerenje građana u rad suda i vladavinu prava.



## OPĆINSKI SUD U SARAJEVU

### Tabela I - Protok predmeta u 2017. godini

Vrsta predmeta	Broj neriješenih predmeta na početku perioda	Broj primljenih predmeta tokom izvještajnog perioda	Ukupan broj svih predmeta u radu	Broj predmeta koji su riješeni u izvještajnom periodu	Broj neriješenih predmeta	Period potreban za eliminaciju neriješenih predmeta
	I	II	III = I+II	IV	V = III-IV	VI = V/IV

**Parnično odjeljenje - (18 sudija) - prosjek 188 predmeta po referatu - bilo 3000 85%**

P	4.198	3.434	7.623	4.254	3.378	0,79
Radni	23	8	31	23	8	0,35
<b>Ukupno</b>	<b>4.221</b>	<b>3.442</b>	<b>7.663</b>	<b>4.277</b>	<b>3.386</b>	<b>0,79</b>

**Radno odjeljenje - (17 sudija) - prosjek 359 predmeta po referatu - bilo 3000 111%**

P	99	86	185	113	72	0,64
Radni	7.453	2.676	10.129	4.100	6.029	1,47
<b>Ukupno</b>	<b>7.552</b>	<b>2.762</b>	<b>10.314</b>	<b>4.213</b>	<b>6.101</b>	<b>1,45</b>

**Porodično odjeljenje - (6 sudija) - prosjek 182 predmeta po referatu - bilo 2974 131%**

P-Rs	1	0	1	1	0	0,00
Porodični	1.395	1.170	2.565	1.473	1.092	0,74
<b>Ukupno</b>	<b>1.396</b>	<b>1.170</b>	<b>2.566</b>	<b>1.474</b>	<b>1.092</b>	<b>0,74</b>

**Privredno odjeljenje - (9 sudija) - prosjek 175 predmeta po referatu - bilo 3122 119%**

Ps	1.416	1.420	2.836	1.704	1.132	0,66
L	310	300	610	358	252	0,70
St	141	142	283	89	194	2,18
<b>Ukupno</b>	<b>1.867</b>	<b>1.862</b>	<b>3.729</b>	<b>2.151</b>	<b>1.578</b>	<b>0,73</b>

**Krivično odjeljenje - (13 sudija) - prosjek 137 predmeta po referatu - bilo 545 107%**

K	1.335	906	2.241	1.141	1.100	0,96
Kp	18	4	22	21	1	0,05
Kpp	104	3.486	3.590	3.506	84	0,02
Kps	505	1.005	1.510	971	539	0,56
Km	10	16	26	19	7	0,37
Kmv	0	16	16	16	0	0,00
Kv	29	1.445	1.474	1.422	52	0,04
<b>Ukupno</b>	<b>2.001</b>	<b>6.878</b>	<b>8.879</b>	<b>7.096</b>	<b>1.783</b>	<b>0,25</b>

<b>IKS</b>	<b>137</b>	<b>416</b>	<b>553</b>	<b>411</b>	<b>142</b>	<b>0,35</b>
------------	------------	------------	------------	------------	------------	-------------



## Izvršno odjeljenje - "I - Ip" - (25 sudija - 3 stručna saradnika) - prosjek 548 pred./ref. - bilo 60.000 79%

I	7.412	8.847	16.259	10.415	5.844	0,56
Ip	1.461	1.404	2.865	1.737	1.128	0,65
POM	5	13	18	15	3	
I - kom	6.855	3.184	10.039	2.475	7.564	
Ip - kom	538	555	1.093	290	803	
<b>Ukupno</b>	<b>16.271</b>	<b>14.003</b>	<b>30.274</b>	<b>14.932</b>	<b>15.342</b>	<b>1,03</b>

## Vanparnično odjeljenje - (2 sudija V ref.) - prosjek 299 pred./ref. - bilo 3008 100%

V	345	1.365	1.710	1.113	597	0,54
O	692	1.173	1.865	1.389	476	0,34
O - notari	4550	5.133	9.683	4.625	5.058	
Ostalo*	0	3	3	3	0	
<b>Ukupno</b>	<b>5.587</b>	<b>7.674</b>	<b>13.261</b>	<b>7.130</b>	<b>6.131</b>	<b>0,86</b>

## Prekršajno odjeljenje - (12 sudija) - 516 prosjek pred./ref. - bilo 4.000 111%

Pr	3.366	6.332	9.698	5.825	3.873	0,66
Pls	2.391	8.597	10.988	8.666	2.322	
<b>Ukupno</b>	<b>5.757</b>	<b>14.929</b>	<b>20.686</b>	<b>14.491</b>	<b>6.195</b>	<b>0,43</b>

## Registar - (5 sudija) - prosjek 164 predmeta po referatu - bilo 562 202%

Registracija poslovnih subjekata	911	6.566	7.477	6.658	819	0,12
----------------------------------	-----	-------	-------	-------	-----	------

## ZK referat - (25 referenata) - prosjek 64 predmeta po referatu 150 - bilo 4.200 104%

ZK predmeti	1803	33.692	35.495	31.744	3.751	0,12
-------------	------	--------	--------	--------	-------	------

## Odjeljenje za sporove male vrijednosti - (pred. odjeljenja + 18 str.sar.) - prosjek 5.390 /ref. 149%

Mal-kom	88.045	9.613	97.658	17.510	80.148	4,58
Mal	14.293	3.227	17.520	5.640	11.880	2,11
Mals-kom	5.663	1.118	6.781	1.450	5.331	3,68
Mals	5.611	1.550	7.161	2.097	5.064	2,41
POM	0	0	0	0	0	0,00
<b>Ukupno</b>	<b>113.612</b>	<b>15.508</b>	<b>129.120</b>	<b>26.697</b>	<b>102.423</b>	<b>3,84</b>

## Izvršno odjeljenje po vjerodostojnim ispravama (2 str. sar.) prosjek 395.901 /ref. 471%

I	811.152	52.266	863.418	106.603	756.815	7,10
Ip	32.680	2.308	34.988	0	34.988	
Ostalo*	0	0	0	0	0	
<b>Ukupno</b>	<b>843.832</b>	<b>54.574</b>	<b>898.406</b>	<b>106.603</b>	<b>791.803</b>	<b>7,43</b>
<b>Ukupno</b>	<b>1.004.947</b>	<b>163.476</b>	<b>1.168.423</b>	<b>227.877</b>	<b>940.546</b>	<b>4,13</b>

## 2017. godina

OD UKUPNO 940.546 NERIJEŠENIH PREDMETA, 894.226 ILI 95,08% ČINE KOMUNALNI PREDMETI, DOK JE 46.320 ILI 4,92% STRUKTURNIH PREDMETA.

46.320	Struktura
-15.342	Izvršni - struktura
-6.195	Prekršaji
-3.751	ZK
-819	Registar
-142	Iks - referat
<b>20.071</b>	<b>2,13% - parnica i krivica -</b>

## 2016. godina


OD UKUPNO 1.004.947 NERIJEŠENIH PREDMETA, 957.740 ILI 95,27% ČINE KOMUNALNI PREDMETI, DOK JE 47.506 ILI 4,73% STRUKTURNIH PREDMETA.

47.506	Struktura
-16.271	Izvršni - struktura
-5.757	Prekršaji
-1.803	ZK
-911	Registar
-137	Iks - referat
<b>22.627</b>	<b>2,25% - parnica i krivica -</b>

**KVALITET RADA SUDA  
U 2017. GODINI  
IZNOSI 89,81%**

## Ostvarena norma po odjeljenjima:

Odjeljenje	Norma
Parnično	85%
Radno	111%
Porodično	131%
Privredno	119%
Krivično	107%
Izvršno - "I - Ip"	79%
Vanparnično	100%
Prekršajno - Privreda	111%
Registracija poslovnih subjekata	202%
Odjeljenje za sporove male vrijednosti	149%
Izvršno - po vjerodostojnim ispravama	471%
ZK	104%
<b>NORMA SUDA</b>	<b>119,06%</b>



## IZVJEŠTAJ O RJEŠAVANJU PO ZAHTJEVIMA O ČINJENICAMA IZ SUDSKE EVIDENCIJE

Vrsta zahtjeva	Broj neriješenih predmeta na početku perioda	Broj primljenih predmeta tokom izvještajnog perioda	Ukupan broj svih predmeta u radu	Broj predmeta koji su riješeni u izvještajnom periodu	Broj neriješenih predmeta
Su	0	0	0	0	0
Su-M	0	0	0	0	0
Registar privrednih društava-RF	204	10.469	10.673	10.449	224
Prekršajno odjeljenje (uvjerenja)	0	5.720	5.720	5.720	0
Krivično odjeljenje	0	0	0	0	0
Stečaj i Likvidacija	0	0	0	0	0
ZK - Izvodci	0	70.172	70.172	61.072	9.100
Zk - RZ	152	7.525	7.677	7.677	0
Apostile	0	0	0	0	0
Ostalo ("P", rod. i posl. Sposob)	0	0	0	0	0
<b>Ukupno</b>	<b>356</b>	<b>93.886</b>	<b>94.242</b>	<b>84.918</b>	<b>9.324</b>





## Svečano obilježen Dan Općinskog suda u Sarajevu



**T**radicionalno, u prisustvu velikog broja uposlenika Suda i gostiju iz izvršene i zakonodavne vlasti, dana 14.12.2017. godine u Hotel Holiday svečano je obilježen Dan Općinskog suda u Sarajevu. Prisutnima se tom prilikom obratila Predsjednica suda Janja Jovanović, istakla da je uspjeh ovoga Suda rezultat rada i zalaganja svih uposlenika Suda, te se zahvalila prisutnima što su svojim prisustvom uveličali ovu proslavu. ■





# Općinski sud u Sarajevu

